

U G O V O R

I UGOVORNE STRANE:

Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida (skraćeni naziv: Fond memorijala), ul. Širokac br. 22 Sarajevo, koga zastupa direktor Zijadić Suad, prof. (u daljem tekstu: Ugovorni organ)

i

Obrtnička radnja - Kamenoklesar „ Čolić “, ulica Himze Mekića broj 15., Ilidža, Sarajevo koga zastupa vlasnik Čolić Venad (u daljem tekstu: Dobavljač)

II PREDMET UGOVORA

Član 1.

Predmet ovog ugovora je izvođenje radova na sanaciji kamenih staza, platoa, podzida i ivičnjaka na mezrjima šehida.

Radovi se izvode prema usvojenom predmjeru i ponudi sa jediničnim cijenama koji su sastavni dio ovog Ugovora.

III VRIJEDNOST UGOVORA

Član 2.

Ugovorne strane su saglasne da *netto* vrijednost Ugovora iznosi

5.151,80 KM

(slovima: pethiljadastotinupedesetjedna i 80/100KM)

Dobavljač nije PDV- obveznik u skladu sa pozitivnim zakonskim propisima.

Član 3.

Ugovorni organ zadržava pravo da Dobavljaču naloži izvođenje predmetnih radova fazno i isti radovi će se plaćati na osnovu privremenih situacija čija će se cijena utvrđivati na osnovu jediničnih cijena koje su iskazane i prihvaćene u ponudi Dobavljača koja je prihvaćena kao sastavni element ovog ugovora.

Naknadni radovi koji su neophodni mogu se izvesti na pismeni zahtjev Nadzornog organa uz predhodno utvrđenu i od strane Ugovornog organa odobrenu cijenu i pismenu saglasnost.

Konačna vrijednost radova utvrdiće se na bazi zapisnika i ugovorenih jediničnih cijena.

IV ROK

Član 4.

Ugovorne strane su saglasne da je krajnji rok za završetak radova 40 /četrdeset/ kalendarskih dana od dana obostranog potpisivanja ugovora.

Član 5.

Ugovoreni rok se može produžiti samo:

1. u slučaju zakašnjenja uvođenja u posao, za onoliko dana koliko je trajalo to zakašnjenje,
2. u slučaju više sile, za onoliko dana koliko su trajali razlozi produženja izazvani tom silom.

Član 6.

U slučaju kašnjenja u izvođenju radova, do kojeg je došlo krivicom Dobavljača, isti će platiti ugovornu kaznu, u skladu sa Zakonom o obligacionim odnosima u iznosu od 1% vrijednosti ugovora, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti radova, koji su predmet ugovora. Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti.

V OBAVEZE DOBAVLJAČA

Član 7.

Pored obaveza predviđenih postojećim građevinskim propisima za predmetnu vrstu radova, Dobavljač je posebno dužan:

1. da prilikom izvođenja radova preduzme sve mjere da ne nanosi štetu susjednim objektima, saobraćaju i trećim licima. Sve štete koje izvođenjem radova prouzrokuje trećim licima snosi isključivo Dobavljač;
2. da o svome trošku otkloni sve nedostatke koji nisu nastali na radovima krivicom Ugovornog organa;
3. da na zahtjev nadzornog organa Ugovornog organa ukloni sa gradilišta nekvalitetan materijal;
4. da po završetku radova, ukloni sve pomoćne objekte koje je koristio za potrebe izvođenja radova i uredi i očisti prostor od otpadaka i drugog neupotrebljenog materijala;
5. da na gradilištu obezbijedi mjere zaštite na radu zaposlenih radnika kako svojih tako i eventualnih kooperanata,
6. da održava izvedene radove do pripmopredaje istih.

Član 8.

Za vršenje cjelokupnog nadzora nad izvođenjem ugovorenih radova Ugovorni organ ovlašćuje: *Tehnička komisija Fonda memorijala.*

Član 9.

Dobavljač je obavezan da za svo vrijeme izvođenja radova uredno vodi građevinski dnevnik i građevinsku knjigu investicionih objekata.

Potrebne podatke za građevinsku knjigu utvrđuje zajednički Nadzorni organ i predstavnik Dobavljača, a unosi ih stručno lice Dobavljača po uputstvima Nadzornog organa.

VI MJESTO IZVRŠENJA UGOVORA

Član 10.

Ugovorne strane su saglasne da je mjesto izvršenja ugovora sljedeća šehidska mezarja:

- Mezarje Kahrimani - Pazarić
- Mezarje Veliko Polje - Igman
- Mezarje Mrazište - Igman

VII NAČIN PLAĆANJA

Član 11.

Ugovorne strane su saglasne da će Ugovorni organ platiti ukupnu vrijedost ugovora Dobavljaču nakon izvršenja predmeta ugovora i internog tehničkog prijema, a u zakonskom roku od 15 (petnaest) dana od datuma prijema uredno ovjerene fakture u Fond memorijala.

Član 12.

Ugovorni organ je dužan po pismenoj obavijesti Dobavljača da je radove završio zatražiti tehnički prijem u roku od 10 dana, ako se nadzorni organ Ugovornog organa uvjeri da su stvoreni uslovi za tehnički prijem.

VIII OSTALE ODREDBE

Član 13.

Dobavljač odgovara za solidnost i kvalitet izvedenih radova za vrijeme od 2 (dvije) godine, računajući od dana primopredaje radova. Unutar ovoga roka Dobavljač je obavezan da o svom trošku na pismeni zahtjev Ugovornog organa, otkloni sve nedostatke koji bi se pojavili na izvedenim radovima usljed nesolidnog izvođenja ili upotrebe nekvalitetnog materijala.

Član 14.

Na odnose između ugovornih strana koji nisu regulisani ovim ugovorom primjenjuju se odgovarajuće odredbe Zakona o obligacionim odnosima i Posebni Uzansi o građenju.

Član 15.

U slučaju spora po ovom ugovoru stvarno i mjesno nadležan je sud u Sarajevu.

Član 16.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

ZA UGOVORNI ORGAN

DIREKTOR

Zijad  prof.





Broj:13-14-02-451/17
Sarajevo, 08.08.2017.godine

ZA DOBAVLJAČA

VLASNIK

Čolić Venad


O.P.  DOBAR
"Č. IČ"
ILIDŽA, ulica 15.
VL. Čolić Venad

Broj: 02/14
Sarajevo, 10. 08. 2017.